



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

12 April 2023
21 Ramadan 1444H

SENARAI AKHBAR	TAJUK
Utusan Malaysia	•
Berita Harian	• 3394 nelayan darat dapat duit raya RM200
Harian Metro	• Bekalan ikan cukup menjelang Aidilfitri
Kosmo !	•
Sinar Harian	•
The Star	•
New Straits Time	•
Nanyang Siang Pau	•
Malaysia Gazette	•
Harakah	•
Malysiakini	•
Bernama	•
Borneo Post (Kuching)	•
The Sun	•
Sabah Media	•

JENIS AKHBAR							MUKA SURAT	TARIKH
UTUSAN MALAYSIA		KOSMO!		THE STAR		NANYANG SIANG PAU		
BERITA HARIAN	✓	SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		24	12.4.2023

3,394 nelayan darat dapat duit raya RM200

BH m/s 24

12.4.2023

Kuantan: Seramai 3,394 nelayan darat di seluruh negara menerima RM200 seorang hasil agihan Bantuan Khas Aidilfitri Tahun 2023 yang membabitkan peruntukan keseluruhan RM678,800 bermula semalam.

Ketua Pengarah Perikanan, Datuk Adnan Husain, berkata agihan itu membabitkan nelayan darat yang aktif menjalankan aktiviti penangkapan ikan di perairan sungai termasuk tasik, bekas lombong, empangan dan lain-lain perairan umum di seluruh negara.

"Saya berharap Bantuan Khas Aidilfitri 2023 diberikan kerajaan ini dapat meringankan beban nelayan darat yang pendapatan mereka tidak menentu setiap hari.

"Satu Syawal tahun ini diharapkan lebih ceria buat nelayan darat. Bantuan ini bukti keprihatinan kerajaan terhadap golongan terabit yang turut menjadi penyumbang dalam sektor perikanan negara," katanya ketika dihubungi.

Berdasarkan agihan, Sarawak mencatat jumlah teramai nelayan darat membabitkan seramai 911 individu yang akan menerima Bantuan Khas Aidilfitri 2023 membabitkan peruntukan RM182,200.

Ini diikuti Sabah dengan 811 nelayan darat (RM162,200), Perak (492 nelayan, RM98,400), Pahang (379 nelayan, RM75,800), Kelantan (233 nelayan, RM46,600) dan Terengganu (137 nelayan, RM27,400).

Sementara itu, Syed Jafri Sy Mohd, 52, dari Kam-

pung Pulau Manis di Pekan berkata, bantuan disediakan kerajaan dapat digunakan untuk membeli keperluan menyambut Aidilfitri tidak lama lagi.

"Pendapatan nelayan darat tidak menentu setiap hari, bergantung kepada rezeki. Jadi, bantuan disediakan kerajaan ini amat bererti buat kami.

Rakannya, Syed Mohd Yusairy Saiyed Ibrahim, 41, berkata nasib nelayan darat lebih terbela dengan pelbagai bantuan diagihkan untuk mereka.

"Saya bersyukur apabila kerajaan tidak melupakan golongan nelayan darat yang sebelum ini sering dilupakan," katanya sambil berharap lebih banyak bantuan untuk nelayan darat disediakan kerajaan selepas ini.

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO	✓	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		ONLINE	12-4-2023

Bekalan ikan cukup menjelang Aidilfitri



Kuala Lumpur: Pendaratan ikan adalah mencukupi dan terjamin untuk bekalan negara sepanjang perayaan Aidilfitri.

Ketua Pengarah Perikanan Datuk Adnan Hussain berkata, jumlah pendaratan perikanan tangkapan sehingga Mac lalu adalah sebanyak 295,169 tan metrik dan ia adalah angka yang stabil.

Beliau berkata, merujuk kepada rekod Jabatan Perikanan Malaysia (DOF), status bekalan makanan berasaskan ikan negara adalah mencukupi bagi menampung permintaan pengguna sepanjang Aidilfitri.

"Orang ramai tidak perlu kluatir dengan isu ketiadaan bekalan ikan seperti yang digembar gemburkan.

"Pilihan ikan juga tidak terhad kepada ikan laut sahaja tetapi pengguna boleh memilih ikan air tawar sebagai menu pilihan untuk dipelbagaikan sepanjang Aidilfitri nanti," katanya dalam kenyataan hari ini.

Beliau berkata, bekalan makanan berasaskan ikan bagi penggunaan ikan per kapita (PCC) adalah sebanyak 43.38 kilogram (kg)/per orang dengan tahap sara diri mencecah 93 peratus.

"Eksplotasi berlebihan akan menyebabkan penurunan sumbangan kepada pengeluaran ikan negara.

"Justeru, pengurusan sumber perikanan negara perlu diurus dengan sebaiknya agar ia kekal menyumbang secara mampan.

"Bagi memastikan bekalan ikan cukup dan terjamin, pengurusan makanan dilaksanakan melalui pelesenan dan pemuliharaan habitat penting seperti Zon Konservasi antara sifar hingga satu batu nautika," katanya.

Disiarkan pada: April 11, 2023 @ 5:15pm